

VIDEO: Bošnjaci, budite Bošnjaci! Predsjednik SBB-a Fahrudin Radončić i akademik

24/09/2013 22:49 by Administrator

Povodom predstojećeg popisa stanovništva u BiH, večeras je u sali Opštine Stari Grad Sarajevo održana tribina Saveza za bolju budućnost BiH pod nazivom "Bošnjaci, budite - Bošnjaci"! U prepunoj sali govorili su predsjednik SBB-a Fahrudin Radončić i akademik Muhamed Filipović.

Poštujte druge

Radončić, koji je govorio često praćen ovacijama, istakao je da je SBB namjerno izabrao Opštinu Stari Grad, kao srce i kontinuitet bošnjaštva, da baš s ovog mjesta započne kampanju "Bošnjaci, budite Bošnjaci".

VIDEO:

Svaki popis stanovništva je u jednoj multinacionalnoj, multikonfesionalnoj i multikulturalnoj državi i prvorazredno političko pitanje. I nemojte da nas plaše time da se radi o tobožnjoj politizaciji. Mi smo jedna od najjačih stranaka u BiH i bit ćemo, akobogda, 2014. najjača. Naša je prvorazredna obaveza i pravo da našim Bošnjacima kažemo, da ih upozorimo, da ih mobiliziramo, da budu ono što jesu - Bošnjaci, i da očuvaju svoj nacionalni kontinuitet.

Neke stranke su prije 20 godina izdavale novinu koja se zvala "Muslimanski glas", a ja sam 15. septembra 1993. godine u opkoljenom Sarajevu pokrenuo novinu koja se zvala "Bošnjački avaz". Mi iz SBB-a nemamo razloga da se retroaktivno osjećamo da smo Bošnjaci. Mi nikada nismo zbunjivali druge pričom o tome šta je naša vjera i šta je naša nacija i zato danas potpuno kompetentno možemo glasno govoriti o bošnjaštvu kao nacionalnoj kategoriji - istakao je Radončić.

Potcrtao je da je zadatak SBB-a da učini sve da "Bošnjaci ne samo politički ne nestanu nego da se, naprotiv, trajno etabliramo kao narod koji ima svoje neotuđivo nacionalno ime Bošnjak, svoju vjeru islam i svoj bosanski jezik".

- Pozivam vas da poštujemo one Bošnjake koji se osjećaju kao Bosanci. To je njihovo apsolutno pravo i niko ne smije vršiti pritisak na bilo koga da se izjašnjava kao Bošnjak ako se on tako ne osjeća. Ali niko nema pravo da vrši pritisak na nas da se mi kolektivno ne izjasnimo onako kako historijski znamo i lično osjećamo. Poštujte druge, ali - Bošnjaci, budite Bošnjaci - zaključio je Radončić.

Â

Akademik Muhamed Filipović, podsjećajući na historijsku dimenziju Bošnjaka, naglasio je da je predstojeći popis zapravo pitanje identiteta bošnjačkog naroda.

Temeljna istina

- Moramo da kažemo tačno ko smo i šta smo, šta nam je suština i šta nam je bit, da bez ove zemlje ne možemo postojati, ali da i ova zemlja bez nas ne može postojati. Jedna od temeljnih istina naše cjelokupne historije jeste da u ovoj zemlji postoji narod Bošnjaka i nacija Bošnjaka - rekao je akademik Filipović.

Osvrćući se na historijski značaj postojanja Bošnjaka u BiH, akademik Filipović je rekao da narod postaje nacija onda kad se odlučuje o ideji države koja se temelji na njegovom vjerovanju.

- Ako smo svoje ime morali platiti stotinama hiljada mrtvih te sa 500.000 raseljenih po cijelom svijetu, zašto da ga se sada odričemo i ko ima pravo da to traži od nas - poručio je akademik Filipović.

Izvor vijesti: Dnevni Avaz